

## ШҮРЛЫ ЖОЛ

1991 жылдың 10 январынан  
шыға бастадыӨзбекстан Республикасы Олий Мажлисі Заң шығару палатасы Кеңесінің, Өзбекстан Республикасы  
Олий Мажлисі Сенаты Кеңесінің және Өзбекстан Республикасы Министрлер Кабинетінің газеті№44 (3207), сенбі,  
1 июнь, 2024 жылБҰХАРАДА ТЕК ТУРИЗМ ҒАНА ЕМЕС, СОНЫМЕН ҚАТАР  
ӨНЕРКӘСІП ТЕ ЖЕТЕКШІ САЛАҒА АЙНАЛАДЫ

Президент Шавкат Мирзияев 31 май күні экономиканың түрлі салаларында жүзеге асырылып жатқан жобалармен, ірі нысандардың құрылысына старт беру, мақаллалардың өмірімен танысу үшін Бұхара облысына барды.



Сапар қайырлы істен — Бахауддин Накышбанд кесенесін зиярат етуден басталды. Құран аяттары оқылып, халқымызға тыныштық-амандық тілеп, бата жасалды.

Мемлекет басшысының бастамасымен кешен одан әрі абаттандырылып, тарихи ақиқат тіктелуде. Зиярат барысында осы істермен танысты.

Ең алдымен Тоқи мяна қақпасынан кіретін тарихи жолақ қалпына келтірілді. Зияратшылар Бахауддин Накышбанд кесенесіне дәстүр бойынша құбыла жактан кіреді.

— Жүз жыл бойы ойрандалып жатқан бұл қақпаны тіктегеніміз — өздігімізді ұғыну, тарихқа құрметіміздің көрінісі, — деді Шавкат Мирзияев. — Енді бұл жердегі әрбір ескерткіштерге, хандардың бейіттеріне жазу жазып қою керек. Зияратқа келгендер бірте-бірте тарихты үйреніп, рухани нәр алсын.

Тоқи мяна қақпасының екі жаны баққа айналдырылған. Мұражай мен тақаратхана құрылған. Жойылып бара жатқан Дониал би медресесі тіктелуде.

Ғалымдармен сұхбатта Бахауддин Накшбанд мұрасын терең үйрену туралы пікір алысылды. Шет мемлекеттерден деректерді алып келу, ғылыми ізденістерді қолдап қуаттау, мұражайды Имам Бұхари кешеніндегідей мазмұнмен байыту қажет екені айтылды. Сондай-ақ зияратшылар, соның ішінде шетелдік туристер үшін қолайлылықтарды кеңейту, кез келген маусымға сай жағдайлар жарату бойынша нұсқаулар берді.

Жауаптыларға осыларды қамти отырып, ғалымдардың ұсыныстары негізінде қаулы қабылдау тапсырылды.

Президент Шавкат Мирзияевтың Бұхара облысына сапары қарсаңында “Қаракөл” еркін экономикалық аймағында “Enpire” кәсіпорны іске қосылды.

Жалпы құны 58 миллион долларды құрайтын жоба толығымен шетелдік инвестиция есебінен жүзеге асырылды. Қытайдан, Түркиядан, Нидерландтан және Испаниядан заманауи қондырғылар әкелініп, жылына 300 мың тонна металл құбырлар өндіру жолға қойылған.

Тікелей тігіс стилінде жасалған бұл құбырлар жоғары қысымға және сыртқы әсерлерге төзімділігімен ерекшеленеді. Бұрын мұндай өнімдер негізінен шетелден әкелінетін. Тасымалдауда көп орын алатын құбырлардың көлеміне байланысты бағасы да қымбаттайтын.

Қазір мұнда түрлі қалыңдықтағы

металдар лист түрінде әкелініп, осы жерде дайындалуда. Нәтижеде құны 25 пайызға арзандады.

Газ-химия және тау-кен өнеркәсібі, құрылыс және басқа да салаларда мұндай төзімді құбырлар жоғары сұранысқа ие. Атап айтқанда, бұл жерде құрылып жатқан МТО газ-химия кешенінде де осы қолданылуда.

Кәсіпорында 400-ден астам адам тұрақты жұмыспен қамтылды.

Мемлекет басшысына кәсіпорынның жоспарлары мен алдағы кезеңдері жайлы ақпарат берілді.

Бұл жобаның екінші кезеңін жүзеге асыру жұмыстары басталды. Ол әртүрлі көлемдегі қысымға төзімді резервуарларды шығарады. Тағы 500 жаңа жұмыс орны ашылады.

Жоба толық қуатпен жұмыс істесе, 121 миллион долларлық өнімдер шығаруға болады. Кәсіпорынның экспорттық әлеуеті одан әрі артады.

Мемлекет басшысы осында БАҚ өкілдерімен әңгімелесті.

— Бүгін Бұхараға келуіміздегі мақсат — 2 миллионнан астам тұрғынның тұрмысын жақсарту, табыс көзін жарату, кембағалдықты қысқарту. Облыстың көптеген жерлерінде егін егу үшін жерді тұздан жуып тастау керек. Сондықтан біз салаға көбірек көңіл бөліп отырмыз. Бұл зауытты да не үшін салдық? Мұндай құбырларды әкелу үшін қыруар қаржы жұмсайтынбыз. Бүгін біз жаңа ғимараттардың құрылысын бастаймыз. Олардың айналасында бірнеше кәсіпорындар, жұмыс орындары пайда болады. Нәтижесінде адамдардың үйіне нұр, сенім мен үміт кіреді. Сол үміт бізді біріктіреді, — деді Президент.

Облыс өнеркәсібінде “Қаракөл” еркін экономикалық аймағы тағы бір мекен болмақ. Бұл аумақ Өзбекстан Республикасы Президентінің 2021 жылғы 13 августағы тиісті қаулысы негізінде құрылған. Оның жалпы алаңы 566 гектарды құрайды, онда 5 ірі жоба орналасқан. Олар кезең-кезеңімен жүзеге асырылып, соңында үш мыңға жуық жұмыс орнын ашу жоспарлануда.

Мемлекет басшысы Бұхара облысының өнеркәсіп көрмесімен және жаңа инвестициялық жобалармен танысты.

Өнеркәсіп салаларында өндірілген өнімдер мен жоспарланған жобалар бір уақытта таныстырылды.

Көрмеде жылу жүйелеріне арналған үлкенді-кішілі қазандықтар, ауыр және жеңіл өнеркәсіпке арналған бөлшектер, әртүрлі көлемдегі және

сыйымдылықтағы тоңазытқыштар, электртехникалық жабдықтар, мотоциклдер сарапқа салынды. Сондай-ақ, мемлекеттік сатып алуды реттеу механизмі көрсетілді.

Сонғы жеті жылда облысқа дерлік 4 миллиард долларлық инвестиция тартылды. Соның нәтижесінде 90 мың жұмыс орны ашылып, 1 миллиард 800 миллион долларлық экспорт мүмкіндігі жаратылған. Биыл облыста жалпы құны 1 миллиард 300 миллион долларды құрайтын 607 жоба жүзеге асырылуда.

Бұхара облысында шетелдік инвесторлар мен жергілікті кәсіпкерлердің күшімен жалпы құны 14 миллиард долларды құрайтын 80 жоба жасалған. Соның 4 миллиард долларлық 14-ін инвесторлар мен сала басшылары бірлесіп ұсынды.

Жобаларға Қытай, Ресей, Түркия, Германия, Сауд Арабиясы, Үндістан, Малайзия, Оңтүстік Корея сияқты елдердің компаниялары инвестиция салуда. Жобалар құрылыс материалдары, электртехника, химия, тоқыма, азық-түлік, фармацевтика, медицина, тау-кен өнеркәсібі, балық шаруашылығы және басқа да салаларды қамтыған.

Мысалы, Қытаймен ынтымақтастықта Ғыждуан ауданында қуаты 600 МВт-ға тең жел электр станциясын салу, малайзиялық инвестордың Пешку ауданында графит кенін игеру және электрскутерлерге арналған аккумуляторлар шығаруды ұйымдастыру, ал ирандық инвесторлар Бұхара ауданында химиялық кластер құру жобаларын жүзеге асыру жоспарланған.

Осы 80 жобаны іске қосу нәтижесінде 22 мың 200-ден астам адам жұмыспен қамтылады.

Президентіміз қосылған күн өнімдерін және жергіліктендіруді көбейту, қызметтерді дамыту бойынша қосымша тапсырмалар берді.

Бұхаралық ардагерлер адам мүддесі әлеуметтік мемлекет қадғидаты негізінде қамтамасыз етіліп жатқанын айтты. Заманауи мектептер мен институттар құрылуда, балалардың білім алу мүмкіндіктері кеңеюде. Тұрғындардың денсаулығы тұрақты бақылауда.

Экономикалық-әлеуметтік бағдарламалардың нәтижесінде аудандарға өнеркәсіп кіріп баруда, мақаллалар көркейіп келеді. Кәсіпкерлік пен өзін-өзі жұмыспен қамтуға кең жол ашылды.

Сайхунабад тәжірибесіне сүйене отырып, экономикалық кешен ұйымдары аз қамтылған отбасылармен жұмыс істеп, олардың табыс табуы

на көмектесуде. Есік алды жерлері тиімді пайдаланылуда.

Бұл еліміздің молшылығы мен әуақатын, әлеуметтік ортаның тұрақтылығын нығайтып отырғаны айтылды. Ардагерлер Бұхарада іске қосылып, салынып жатқан кәсіпорындардың халықты жұмыспен қамтуда маңызы зор екенін атап өтіп, мемлекет басшысына ризашылықтарын білдірді.

Мемлекет басшысының аумақтарға сапары үлкен жобаларға негіз болуы игі дәстүрге айналды. Бұл жолы да солай болды — Бұхара облысында ірі энергетикалық-көлік кешендерінің құрылысы басталды.

Сонғы 5 жылда елімізде қайта өңдеу өнеркәсібінің көлемі 1,4 есе артып, тек сонғы жылдың өзінде 553 триллион сумды құрады. Бұхарада бұл көрсеткіш 1,6 есе өсіп, 30 триллион сумға жетті.

Облыста құны 7 миллиард долларды құрайтын шетелдік инвестициялар есебінен 41 және осыған тең 39 жергілікті жоба бойынша жұмыстар жүргізілуде.

Енді тағы үш ірі нысанды — газ-химия кешенін, күн электр станциясын, Бұхара халықаралық әуежайын салу жоспарлануда.

Осыған орай өткен салтанатты шарада Президент Шавкат Мирзияев бұл жобалардың маңыздылығына тоқталды.

Соның бірі — “Қаракөл” еркін экономикалық аймағында салынатын газ-химия кешені. Бұл “methanol to olefins” (МТО) технологиясы негізінде жұмыс істейтін еліміздегі алғашқы зауыт болмақ.

Жоба аясында 5 миллиард долларға жуық инвестиция тартылып, АҚШ, Германия, Дания, Австрия, Италия және Қытайдың ең озық технологиялары әкеліп орнатылады. Бірыңғай кешен аясында жылына 1,3 миллиард текше метр табиғи газ, 430 мың тонна нафта қайта өңделіп, елімізде және әлемдік базарда жоғары сұранысқа ие 1,1 миллион тонна полимер өнімдері өндіріледі. Есеп-қисап бойынша мұндай өнімдер газ бағасымен салыстырғанда 5 есе көп қосымша күн береді.

Жаңа зауытта 2 мың адам жұмыспен қамтылады. Сондай-ақ құрылыс, тоқыма, былғары-аяқ киім, автомобильжасау, электртехника және басқа да ұқсас салаларда ондаған кәсіпорындарды, тағы 4 мың жұмыс орнын жаратуға ықпал етеді.

Бұл жобалардың іске қосылуының нәтижесінде Бұхарада туризм ғана емес, өнеркәсіп те нағыз “драйверге” айналады.

Тұрақты экономикалық өсу электр энергиясына деген сұранысты жылына орта есеппен 6 пайызға арттырады. Сондықтан бұл жерлерде жаңа генерациялық қуаттар салынуда.

Сонғы жылдары 2 миллиард долларлық шетелдік инвестиция есебінен қуаттылығы 2 гига watt болатын 10 күн және жел электр станциясы желіге қосылды. Бүгінде шетелдік серіктестермен жалпы сомасы 19 миллиард долларлық 18,3 гига watt болатын 32 “жасыл” генерация қуаттары құрылуда.

Биылдың өзінде 14 күн және жел электр станцияларының алғашқы 2,6 гига wattты желіге қосылады. Соның нәтижесінде елімізде өндірілетін жалпы қуаттағы баламалы энергияның үлесі 9 пайыздан 15 пайызға дейін артады. Жалпы, 2030 жылға қарай бұл көрсеткішті 40 пайызға жеткізу көзделген.

Әрине, бұл жерде күн шуақты Бұхараның орны бөлек. Қазірде облыста 4,5 миллиард долларға жуық шетел инвестициясы есебінен қуаттылығы 4 гига watt болатын 9 ірі жоба жүзеге асырылуда.

Енді олардың қатарын Біріккен Араб Әмірліктерінің “Masdar” компаниясы салатын 250 мегаваттық

күн электр станциясы толықтырады. Бұл жобаға Олат ауданынан 648 гектар жер бөлінген. Станцияны 2025 жылдың декабрь айында бірыңғай электр желісіне қосу жоспарлануда.

Сондай-ақ, Бұхара облысында Сауд Арабиясының “ACWA Power” және Қытайдың “Gezhouba” компаниялары баламалы энергетикалық кешендерді салуда. 2030 жылға қарай облыстың қуаттылығы 9 есе артып, жылына 12,5 миллиард киловатт сағат “жасыл” энергия өндіріледі.

Старттағы тағы бір жоба — жаңа халықаралық әуежай.

Еліміздің ашықтық саясатының нәтижесінде әлеммен қарым-қатынас жеделдеді. Өзбекстанда 90-нан астам елдің азаматтары үшін визасыз режим енгізілді.

Соның нәтижесінде елімізге келушілер саны артты. Сонғы 2 жылда қызмет экспортының 40 пайызы туризм саласына тиесілі. 283 қонақүй, 486 хостел, 1200 отбасылық қонақүй салынды. Туризм ағыны 35 пайызға артты.

Атап айтқанда, тек 2023 жылы Бұхараға 1 миллион 400 мыңға жуық шетелдік саяхатшы келген.

Мұндай факторлар облыстың халықаралық әуежайындағы рейстер санын арттыруды талап етеді. Сондықтан жекеменшік серіктестік негізінде Бұхара ауданында жаңа халықаралық әуежай салу жоспарлануда.

Құны 226 миллион долларды құрайтын бұл жоба аясында әуежайдың инфрақұрылымы әлемдік стандартқа сай құрылады. Сағатына 1200 жолаушыға қызмет көрсетуге мүмкіндік туады. Жолаушылар мен әуе кемелеріне қызмет көрсету сапасын арттыру арқылы жаңа халықаралық әуе компаниялары тартылады.

Президент Шавкат Мирзияев рәміздік түймені басып, бұл кешендердің құрылысын бастады.

Мұнда Бұхара облысында салынуы жоспарланған кешендер, соның ішінде жаңа әуежай жобасы таныстырылды.

Мемлекет басшысы Қаракөл ауданындағы “Жаңа Өзбекстан” массивінде болды.

Аумақта бұрын сонды мұндай ауқымды құрылыс болмаған. Мемлекет басшысының 2021 жылғы 13 августағы қаулысына сәйкес “Қаракөл” еркін экономикалық аймағы құрылғаннан кейін бұл сала қарқынды дамыды. Оның зауыттарында алдағы уақытта мыңдаған адам жұмыспен қамтылады. Сонымен қатар, еліміздің басқа өңірлерінен де мамандар келіп жұмыс істейді. Оларға қолайлылық пен отбасыларына лайықты жағдай жасау үшін осы экономикалық аймақтың жанынан жаңа массив салынуда.

Жоба екі кезеңді, 1380 пәтерлік 71 көпқабатты тұрғын үй, білім және медициналық мекемелер, мақалла орталығы және қызмет көрсету нысандарын құру жоспарлануда.

Қазір бірінші кезеңде 12 көпқабатты тұрғын үй, мектеп, балабақша, емхана пайдалануға берілді.

Президент осында мақалла өкілдерімен әңгімелесті.

— Мақаллада “жетілік” кеңесіп жұмыс істесе жұмыссыздық та, қылмыс та болмайды. Бұл үшін олардың өкілеті жеткілікті. Жауапты ұйымдар тартылып, халықтың табыс табуына көмектесу керек. Мектептердегі білім сапасынан хабардар болып, тұлғаларды жоғары оқу орындарына, пайдалы кәсіптерге бағыттау қажет, — деді мемлекет басшысы.

Айнала мен жол жиегін абаттандыру бойынша тапсырмалар берілді. Алдағы уақытта аумақта демалыс саябағы мен жүзу бассейндері бой көтермек. Бос жерлерге ағаштар отырғызылып, саябаққа айналады.

Президент Шавкат Мирзияев Қаракөл ауданында жаңа жоба негізінде жөнделген жолды аралап көрді.

Бұхара облысында 15400 шақырым автомобиль жолы бар. Оның 486 шақырымы халықаралық маңызы бар. Оларда күніне орта есеппен 45-50 мың көлік жүреді. Үстіміздегі жылдың 29 январында өткен бейнеселектор жиналысында мемлекет басшысы осы салаға ерекше назар аударып, жолдарды сапалы салу және көше бойындағы қызмет көрсету саласын дамыту жөнінде тапсырмалар берген болатын. Осыған байланысты барлық аумақтарда жұмыстар басталып кетті.

Атап айтқанда, Самарқант — Бұхара — Түркіменбасы тас жолының Қаракөл ауданы арқылы өтетін бір бөлігі макетке айналдырылды. Жоба бойынша 4 жолақты жолға жаңа асфальтбетон қабаты төселді. Төзімділігі жоғары инновациялық материалдарды қолданудың арқасында жолдың сапасы артты. Мысалы, қазіргі дәстүрлі асфальт жолдар жаңа жоба бойынша он бес жыл шамасында қайта салынса, жиырма жылға дейін қызмет етеді. Олардың ағымдағы жөндеу аралықтары да ұзартылады. Тағы бір артықшылығы — жөндеу жұмыстары кезінде жол қабатының сол жерде қайта өңдел, жанартуға болады.

Мемлекет басшысы халық игілігіне бағытталған мұндай шараларды кеңейту қажеттігін атап өтті.

— Басты міндет — жолдардағы сапа мен мәдениетті қамтамасыз ету, — деді Шавкат Мирзияев.

Жаңа жобада бұл мәселе де ескерілген. Жолдың сапасын сақтау мақсатында нормадан асатын жүктерді тасымалдайтын көліктердің салмақ параметрлерін өлшейтін көшпелі таразы орнатылады.

Мұнда да тармақталған жол салынды. Жаңа белгілер, электронды таблолар және күн батареяларымен жарықтандыру орнатылды. Жол бойына сәндік ағаш көшеттері отырғызылған.

Президент жол салумен қатар ағаш егу жұмыстары да жүргізілуі тиіс екенін қадап айтты.

Мұнда көліктік және сәулеткерлік жобалар ұсынылды.

Бұхара облысында бұл тұрғыда көптеген жоспарлар бар. Бұған дейін бір жылда орта есеппен 250-300 шақырым жол жұмыстары жүргізілсе, 2023 жылдың өзінде 1255 шақырым жол жөндеді. Биыл аумақ бойынша 1316 шақырым жолды қайта жаңғырту және жөндеу жоспарлануда.

Соның жалғасы ретінде Ғыждуан ауданынан Түркіменстан шекарасына дейінгі 155 шақырым жолды қайта жөндеу жобасы бекітілді.

Жол құрылысы саласында кадрлар даярлауды, мамандарды дамыған елдерде оқытуды ұйымдастыру қажет екені баса айтылды.

Бұхара қаласын дамыту концепциясы да қаралды. Соған орай, қалада “Жаңа Өзбекстан” массиві мен саябақ салу жоспарлануда. Бақта Бұхара тарихын заманауи тәсілдер негізінде көрсету жоспарлануда. Аталған жобаның концептуалды мазмұны мен техникалық-экономикалық негіздерін әзірлеу бойынша нұсқаулар берілді.

Президент Шавкат Мирзияевтың Бұхара облысына сапары жалғасуда.

**З.ЖОНИБЕКОВ,  
И.АВЛИМБЕКОВ,  
З.ЖОМОНОВ,  
ӨзА-ның тілшілері.**

Өзбекстан Республикасы  
Президентінің Баспасөз  
қызметі суреті.

Шара

# ӘЛЕМДІ БАЛАЛАРҒА БЕРЕЙІК

Балалардың көзіндегі қуанышты сезіну керек.

Ш.МИРЗИЯЕВ

Жас та өскелең ұрпақ — біз алға қойған жана кезең, яғни Жаңа Озбекстанның ең үлкен баға жетпес байлығы, жарқын болашағы. Сондықтан бүгінде Президентіміздің бастамасымен елімізде мектептен тыс білім беру жүйесін жетілдіру бағытында бірқатар жүйелі реформалар жүзеге асырылуда. Халықаралық балалар күні әлемнің түкпір-түкпіріндегі балаларға қуаныш сыйлайтын мейрам ғана емес, кішкентайлардың құқығын қорғап, оларға қамқор болуға, әлімжеттік, қысым жасамауға үндейтін мейрам. Сондай-ақ кемістігі бар, жетім, тұрмысы нашар

отбасынан шыққан балаларды мысалы әрі жалғасы ретінде 1 июнь — Халықаралық балаларды қорғау күніне орай Мектепке дейінгі және мектепте білім беру министрлігіне қарасты “Баркамол авлод” Республикалық балалар мектебі Озбекстан Республикасы Президенті Әкімшілігі жанындағы Ақпарат және бұқаралық коммуникациялар агенттігімен ынтымақтастықта 30 май күні

Ғафур Ғұлам атындағы “Dream park” демалыс саябағында “Балғын балалық” атты рухани-ағарту шарасын ұйымдастырды.

Шарада Озбекстан Республикасы Премьер-ми-



жанындағы Ақпарат және бұқаралық коммуникациялар агенттігінің ұйымдасты-

зді. Онда клуб мүшелерінің шығармашылық қойылымдары, оқушылар арасында сұрақ-жауап викторинасы, спортпен шұғылданатын балалардың қойылымдары, эстрада әншілерінің әсем әндері мен балмұздақ кеші болды.

Шара барысында Республикалық “Баркамол авлод” балалар мектебінде жақсы оқып, үздік бітірген оқушыларды марапаттау рәсімі өтті. Оларға балмұздақ, тәтілер ұсынылды. Балалар арасынан зерек оқушылар анықталып, оларға мыңдаған кітап арасынан өздеріне ұнаған кітаптарды тегін алу құқығы берілді. Біздің балалық шағымыз — біздің дастанымыз, шытырманға толы хикаямыз. Мерекеге орай өткізілген іс-шара балалардың есте қаларлық және ұмытылмас сәттеріне, балалық шағының ерекше ансаытын естеліктерінің біріне айналса ғажап емес.

Гүлзат ҚҰРБАНОВА, “Нұрлы жолдың” тілшісі.

Суреттерде: шарадан көріністер.



нистрінің орынбасары, Отбасы және әйелдер комитетінің төрайымы З.Махкамова, мектепке дейінгі және мектепте білім беру министрі Х.Умарова, оның орынбасары Ф.Боқиев, Г.Бозоров, Озбекстан Республикасы Президенті Әкімшілігінің жанындағы Ақпарат және бұқаралық коммуникациялар агенттігі директорының орынбасары қатысты. “Кітап — білім бұлағы” демекші, шара аясында Озбекстан Республикасы Президентінің Әкімшілігі

руымен “Балалар кітабы фестивалінің” салтанатты ашылу рәсімі өтті. 18-ге жуық баспа үйі өз баспаларынан шыққан 25 мыңдай әртүрлі жанрдағы түрлі жастағы тұлғаларға арналған кітаптарымен қатысты.

Мереке үлкен-кіші кітапсүйер қауымды бірдей қамтып, зор қызығушылық оятты. Ол арнайы мектеп-интернат пен Балалар үйінің оқушыларына, сондай-ақ инклюзивті білім беру клубының мүшелеріне қолдау көрсету мақсатында өткі-

Семинар

## БАЛАЛАР ҮШІН ЖАЗҒЫ ЛАГЕРЬ ЖОСПАРЛАНУДА

Балалардың 2024 жылғы жазғы сауықтыру маусымы Науаи облысы әкімдігінің, Озбекстан кәсіподақ ұйымдары Федерациясы облыстық кеңесінің, Жастар істері басқармасының, облыстық балаларды сауықтыру басқармасының ұйымдастыруымен “Жастар орталығында” семинар өтті.



Оған Науаи облысы әкімдігі хатшылығының менге-

рушісі Д.Эгамов, Озбекстан кәсіподақ ұйымдары

Федерациясының Науаи облысы кеңесінің төрағасы Н.Тоғаева, Балалар сауықтыру басқармасы облыстық бөлімінің басшысы М.Мансуров пен Науаи облысы Төтенше жағдайлар басқармасының бастығы, полиция подполковнигі Ж.Абраматов және тиісті мекемелер, қоғамдық ұйымдар, балалар сауықтыру лагерлерінің басшылары, БАҚ өкілдері қатысты.

Семинарда атап өтілгендей, бүгінде лагерлер тек

дене шынықтыру орны ғана емес, балаларымыздың рухани және интеллектуалдық әлеуетін жетілдіретін орталықтар болып табылады. Барлық лагерлерде кітапханалар, түрлі үйірмелер, спорт секциялары жұмысы жолға қойылды. Маусым сайын балаларға арналған шет тілі үйірмелерін ұйымдастыруға ерекше көңіл бөлінбек. Балаларға арналған фильмдер жинағы, мәдени-ағарту және спорттық іс-шараларға арналған сценарийлер жинағы бар кітаптар берілімек. Семинарда 2023 жылдың жазғы маусымында анықталған кемшіліктер мен проблемаларды жоюға жауапты сала өкілдерінен құралған үйлестіру тобының ағымдағы маусымға арналған міндеттері мен жоспарлары айқындалды.

Биылғы маусымда Науаи облысындағы 18 лагерьде барлығы 15 490 баланың демалуы жоспарлануда.

Г.НАРЫНБЕТОВА

Экология

## ҚОРШАҒАН ОРТАНЫ ҚОРҒАУ БАСТЫ МІНДЕТІМІЗ

Жуырда Әлішер Науаи атындағы Озбекстан Ұлттық кітапханасында Дүниежүзілік қоршаған ортаны қорғау күніне арналып “Табиғат әлемін кітаппен үйренемін” атты көрме ұйымдастырылды.

1972 жылдан бері 5 июнь БҰҰ Бас Ассамблеясы тарапынан Дүниежүзілік қоршаған ортаны қорғау күні ретінде атап өтіледі. Ондағы басты мақсат — қоршаған ортанын ластануының алдын алу, соның салдарынан болатын мыңдаған қатерді болдырмау, сонымен қатар қауіп-қатерлерден адамдарды хабардар ету. Мұнымен Біріккен ұлттар ұйымы қоршаған ор-

таны қорғау мәселелері бойынша жауапты өкілдері адамзат тағдырына айтарлықтай қатер төндіретін қоршаған ортаға байланысты проблемалардың алдын алуды көздейді. Сөйтіп жылда осы мәселенің оңды шешімін табу үшін бірнеше игі іс-шараларды жоспарлап, оның орындалуына барлық аймақ және аумақтарды жұмылдырады. Кітапханада ашылған көрме де

міне осы игі мақсатқа қызмет етеді. Оқырмандар арқылы қоршаған ортаны қорғау мәдениетін арттыру, өскелең ұрпақтың қоршаған ортаны қорғау сияқты міндетін түсініп, оны мінсіз атқаруға шақыру.

Көрменің кітапханада ашылуынан да өзіндік мақсат көзделген. Кітапсүйерлер осы міндетті басқаларға қарағанда тереңірек түсінумен ерекшеленеді. Сөйтіп айналасына қоршаған ортаны қорғаудың маңыздылығы мен тиімділігін әсерлі әрі нәтижелі етіп насихаттап отырады.

Қазірде көрмеге қызығушылық жоғары. Оның қаншалықты нәтиже беретіні уақыт еншісінде.

Оқу орындарында

## ЖАЗ ЖАЙНАТЫП КЕЛЕДІ

Міне, көзді ашып жұмғанша 2023-2024 оқу жылы аяқталды. Өскелең ұрпақ бір жасқа есейіп, білікті педагогтардан сапалы білім мен саналы тәрбие алды. Олардың өмірде жан-жақты кемелденген азамат болып есеюі үшін мектептегі мұғалімдер аянбай еңбек етті.

Алда жадырап жаз мезгілі келеді. Күн шұғылалы елімізде жаз мезгілі ыстық, кейбір аймақтарда ауарайы 50 градусқа дейін көтеріледі. Жылдың төрт мезгілі толықтай өтетін климаты қолайлы жерімізде көптеген жеміс-көкөніс өнімдері тағы бар. Айтпақ болғанымыз, жер жаннатындай болған елімізде жеткіншектерге табиғаттың тартуы кейде кері салдарын да тигізеді. Яғни балалар, әсіресе бастауыш сыныптың балалары рұқсат етілмеген жерлерде шомылып, піспеген, шикі жемістерді жеуі, гигиена ережелерін сақтамаудың нәтижесінде көңілсіз

жағдайлардың орын алатыны жасыратын жайт емес.

Сондықтан барлық жалпы орта білім беретін мектептерде, әсіресе бастауыш сыныптарда ата-аналар жиналысы өтті. Онда жаз мезгілінде балаларды қадағалау, уақытын мазмұнды өткізуіне көңіл бөлу, мүмкіндігі барынша түрлі үйірмелерге қатыстырып, кітаптар алып беруі керектігі айтылды.

Ташкент облысының Зенгиата ауданындағы №4 мектептегі 1-сыныпты екі өзбек және бір қазақ сыныбы бітірді. Тәжірибелі педагог Гүлбаршын Пердебекова алғаш мектеп табалдырығын аттаған бүлдіршіндерді бар ынта-ықыласымен, шеберлікпен білім берді. Отыз жылдан бері білім ордасында еңбек етіп жатқан апай оқушыларға 42 әріп жаттатып, оқу үйретті. Ісіне адал, тиянақты, мейірімді мұғалиманың еңбегіне ата-аналар дән риза. Ол жуырда оқу жылындағы ең соңғы ата-аналар жиналысын өткізді. Жанашыр педагог жаз мезгілінде ата-аналармен байланыста болып, балалардың жақсы демалуы үшін атқарылуы керек болған шараларды түсіндірді.

Бала — болашағымыз. Өмірдің мәні мен мазмұны болған жас ұрпақтың жан-жақты кемел азамат болып есеюі үшін ата-ана материалдық тұрғыдан ғана емес, олардың тәрбиелі, білімді, рухани жетік азамат болуына да әбден жауапты. Сондықтан ата-ана ұстаздармен әрқашан байланыста болып, баланың тәлім-тәрбие алу үдерісінде бір кісідей атсалысса нұр үстіне нұр болмақ.

Рүстем ТӨЛЕНОВ, “Нұрлы жолдың” тілшісі.



Гүлжамал БАЙТӨРЕЕВА



1 июнь — Халықаралық балаларды қорғау күні

## БАЛАЛАР БІЗДІҢ БОЛАШАҒЫМЫЗ

**Бұл күн — әлемнің түкпір-түкпіріндегі балаларға қуаныш сыйлайтын күн ғана емес, кішкентай балалардың құқығын қорғап, оларға қамқор болуға, қысым жасамауға үндейтін күн.**

Дүниежүзінде 1 июнь — Балаларды қорғау күні ретінде аталып өтілетін, тарихи халықаралық мейрамдардың бірі саналады. Оны өткізу жөнінде қаулы 1949 жылдың ноябрь айында Халықаралық демократиялық әйелдер федерациясының арнайы сессиясында қабылданған.

Алғашқы халықаралық балаларды қорғау күні 1950 жылы өткізілді. БҰҰ аталған бастаманы дер кезінде қолдап, балалардың өмірін, құқығын, денсаулығын қорғауды өз қызметінің басты бағыттарының біріне айналдырды.

Балаларды қорғау күні олардың өмірін соғыстан қорғау, денсаулығын сақтау, болашақ ұрпаққа демократиялық негізде білім мен тәрбие беру жөніндегі барша әлемдегі озық пікірлердің тоғысқан арнасы десек, артық айтқандық емес.

Дәл осы күні болашақта адамгершілікке, әділдікке, бақытты өмірге толы қоғам құру үшін оның негізі — балаларға барлық жағдай жасалуы керек. Сонда ғана ертеңгі күн болашағымыз болған балаларымыздың шынайы бақытты өмір сүруіне көз жеткіземіз.

БҰҰ-ның жүргізген сауалнамасына жүгінсек, бүгінгі таңда әлемде әрбір оныншы бала үлкендер тарапынан жасалатын зорлық пен зомбылыққа ұшырайды екен.

Әлемде өмірі қатерге толы балалар да баршылық. Аш-жалаңаштық, соғыс, терактілер балалар ғана емес, үлкендердің де психикасына кері әсерін тигізеді. Бұл — қорғансыз балалардың басына түскен үлкен ауыртпалық екендігі шындық.

Қорыта айтқанда, 1 июнь — Балаларды қорғау күні мереке ғана емес, сонымен қатар болашаққа бағдар жасайтын маңызды шараның бірі. Адамзаттың алдында тұрған зор міндет — болашақ ұрпақтың бақытты өмірін қалыптастыру.

**Ерсейіт БАТЫРБЕКОВ,**  
**“Нұрлы жолдың” тілшісі.**

### Ұлағат

## ҰСТАЗ — ҰЛЫ ТҰЛҒА

**Мұғалім ардақты ұмытылмас, Өзіме бала күннен үні сырлас. Нәр алып алғашқы рет сол ұстаздан, Арманның асқарына ұмтылған жас!**

**Н.ӨЛІМҚҰЛОВ**

Ұстаз... Онаша отырып ұстаз туралы ойласам, көз алдыма ақ жүректі, жылы жүзді ұстаз бейнесі көрініп қиялға батып кетемін. Ұстаз өзінің бар күшін, бүкіл өмірін бала тәрбиесіне арнаған асыл жан. Ұстаз — қасиетті мамандық иесі, менің ойымша өте қайырымды, мейірімді, оқушыға деген жәрдемін аямайтын жан.

Ұстаз — шәкірттерін білім нәрімен сусындататын адам. Ұстаз болу барлығының да қолынан келе бермейтін, әрі аса үлкен жауапкершілікті қажет ететін жұмыс. Ұстаз дәрігер сияқты жас оқушылардың болашағына жауапты болады. Ата-анамыз өмірге ежелген күннен бастап жүруге, оқуға, санауға, жазуға, қоғамдық орындарда өзімізді қалай ұстау керек екендігін үйретеді. Дегенмен ата-ананың үйде берген тәрбиесі жеткіліксіз. Ата-анамыздан кейінгі ақылын айтып, ар-ұятты үйретер бірде-бір адам ол — ұстаз.

Осыдан он екі жыл бұрын ең алғаш мектеп табалдырығын аттаған кезімде күлімдеп қарсы алған, қолымнан жетелеп партаға отырғызып, “Әліппе” кітабын ұстатқан, алғаш әріп үйреткен — менің сүйікті де ардақты алғашқы ұстазым — Мария Ташметова. Ол менің ақылшым, алғашқы данышпаным, өмірге бағыттаушыым болды. Әліппені жаттатпай қоймайтын. Жаттамай оқуға барған күнім ашуланып, төрт қабыр-



ғаның бұрышына тұрғызып та қоятын. Алғашқы ұстазыма дән ризамын. Бәрімізді өз баласындай көріп, ақыл айтып, көп дүниелерді үйретті, өз анаңнан кейінгі қадірлі тағы бір адам болса, ол — алғашқы ұстазым.

Бастауыш сыныпта жылап әрен оқыған Әліппем бүгінгі күні маған “Әдебиет” деген үлкен әлемнің есігін ашты. Осы үлкен есікке барар жолды Эльмира Жұмашова ұстаздан таптым. Алғашқы күннен бастап сабаққа деген қызығушылығымды оятты. Ол өз ісінің шебері де. Ұстаз өзінің ойларын, ақыл-көңестерін беруге әрдайым дайын тұратын жан.

Әр оқушының пәнді жақсы білуі, менгеруі оқытатын ұстазына байланысты екені белгілі. Менің осы жетістікке жетуім, сту-

дент атанғанымға үлкен үлесін қосқан әдебиет пен қазақ тілін жас кезімнен үйретіп келген ұстазыма алғысым шексіз.

Ғажайып дүние сырын ұқтырып, терең білім берген, үлкен өмірге ақ жол тілеп аттандырған Ташкент облысы, Жоғарышыршық ауданы №27 мектептің ұстаздарына алғысым шексіз. Мектептің тірегі мен жүрегі болған ұстаздар — Кенжегүл Сүтенова, Эльмира Жолдасова, Ералы Абдурахимов, Ержігіт Анарбаев, Жахангир Умирбаев, Феруза Айдарова, тағы басқа да мұғалімдер сіздерге тағзым етемін.

**Диана МАХАНОВА,**  
**Шыршық мемлекеттік педагогика университетінің қазақ тілі және әдебиеті бағытының 1-курс студенті.**

### Оқушы ойы

## АДАМНЫҢ АДАМИЛЫҒЫ ЖАҚСЫ ҰСТАЗДАН

**Мектеп — білім ордасы. Осында білім алып, жарқын келешегіміздің іргетасын қалаймыз. Өйткені әр адамның өмірінде мектептің алар орны ерекше. Адамзаттың бірі мектеп қабырғасында болып, осында өз өмірін қалыптастыра бастаған. Ондағы қызықты сәттер сыныптастармен тікелей байланысты.**

Біз білім ошағында тек білім алып қана қоймай, сонымен бірге өмірлік өз жолымызды қалыптастыра бастаймыз. Ортамен, адамдармен қалай қарым-қатынас орнату қажет екенін сонда үйренеміз. Әр сыныпты аяқтаған кездегі үш айлық демалыстың тез өткенін қалап, мектебімізге баруға асығамыз. Ондағы ұстаздарымыз бізге екінші анамыздай өте қамқор, барлық дүниелерді үйретеді. Өмірдегі қиын мәселелердің шешу жолдары мен мамандық тандап, үлкен өмірге қадам басуымызда да мектеп пен ұстаздық алар орны тым бөлек.

Өмірдің өзі де ұстаз. Бірақ осынау “ұстаз” сөзінің астарында мыңдаған білім мен ғылым, махаббат пен сүйіспеншілік жатқанын байкай бермейміз. Ұстаз

болу кез келген адамның қолынан келе бермейді. Шәкірт тәрбиелеу, қанаттандыру, жаны мен тәнін, болмысы мен барын беру тек ұстаздың қолынан келетін қасиеттер.

Мұғалім — ең қиын мамандықтардың бірі. Кішкентай балалардан сымбатты жігіттер мен сұлу қыздарды тәрбиелеу үшін қаншама күш қажет! Әркімнің мектептегі өмірінің барлығы тек оқу үдерісіне ғана емес, сонымен бірге өмірдегі ең жақсы кезеңдердің біріне айналуы үшін қаншама шыдамдылық қажет. Менің ойымша, мұғалім мамандық қана емес, өмір салты да. Өйткені мұғалім әр балаға осы күрделі дүниеде өзін табуға көмектесу үшін күн сайын мектепке бару арқылы өмір сүреді.



Менің мектебімде осындай мұғалімдер өте көп екенін мақтанышпен айта аламын. Әр адамның сүйікті ұстазы болады. Ал менің сүйікті ұстазымның бірі әрі алғашқы ұстазым — Лола Сейдахметова. Алғашқы ұстазым мектеп табалдырығын аттағаннан бастап, жан жылуын төгіп, бар білгенін үйретіп, өзінің шындалған білімімен бастауыш

сынып бағдарламасын терең меңгерткен жан. “Ұстазы жақсының ұстанымы жақсы”, — деп бекер айтпаса керек. Сондай жақсы ұстанымға ие қазіргі ұстазым — Нигора Каратаева. Ол өз пәнін жақсы көретін және жақсы білетін, ең бастысы, бар білімін шәкірттеріне арнаған абзал жан. Нигора апай әрқашан шәкірттері үшін алаңдайды, балалардың барлығын бірдей жақсы көрді және барша оқушыларға өз балаларындай қарайды. Ол ешкімге ұқсамайтын еңбекқор, адал, білімді және мейірімді мұғалима. Бәрімізді өз баласындай көреді, ақыл айтып, білмегенімізді үйретеді. Оның әрбір сабағы қызықты да, сапалы болып өтеді.

Өмірде өз анаңнан кейінгі қадірлі тағы бір адам болса, ол — ұстаз. Мен ұстаздарымды мақтан тұтамын! Ойымды: “Мен үшін жақсы ұстаз бәрінен де артық, өйткені мұғалім — мектептің жүрегі”, — деген ұлы ағартушы ы.Алтынсаринның сөзімен қорытындылаймын.

**Индира ИСАТАЕВА,**  
**Бостандық ауданындағы №6 мектептің 9-сынып оқушысы.**

### Білім беру мекемелерінде

## ТӘРБИЕ МЕН БІЛІМ ҰШТАСҚАН ОРДА

**Қазақ жұрты үшін ғылым мен білімде көшбасшы ғалымдар мекені — Әл-Фараби атындағы Қазақ Ұлттық университеті екені баршамызға аян. ҚазҰУ мамандықтарының негізін қалаған көшбасшылар мен сол жолды жалғастырушы кейінгі буын ғалымдар есімімен бүгінгі ғылымның тікелей байланысты болатыны да сондықтан. Жоғары оқу орындары аталмыш білім ордасына қарап бой түзеп, онымен ынтымақтастық байланыс орнатқысы келетін осы білім мен ғылымның тартылыс күші. Мұндай беделге университет кезеңдермен кемелденіп, тарих толқынымен толысып, сындарлы жылдарда шыңдалу арқылы жетті.**

Білім сапасын бағалайтын QS рейтингілік агенттігінің зерттеу нәтижесінің қорытындысы бойынша әлемдік топ — екі жүз үздік ЖОО-ның қатарына енді.

Халықаралық жетекші сарапшылардың пікірінше, ҚазҰУ қызметтің барлық бағыты бойынша сапалы көрсеткіштерді барынша арттырып отыр. Университет толығымен халықаралық стандарттарға жауап беретін білім бағдарламасына көшкен. Білім ордасының ғалымдары белсенді түрде ғылыми зерттеулер жүргізеді. Халықаралық деңгейде инновациялық жобаларды жүзеге асырады, жаңа технологиялар жасалады. Жоғары импакт-факторы журналдарда ҚазҰУ ғалымдарының жарияланымдары жыл сайын артып келеді. Университет халықаралық әріптестікті кеңейту саласында, академиялық үткірлықты арттыруда, әлеуметтік серіктестікті дамытуда өзгелерден көш ілгері келеді.

Жақсылардың көзін көріп, данышпандардың дәрісін тыңдаған, ұлт қайраткерлерінің ұлағатын бойына сіңіріп, санасын байытқан зейінді шәкірттер ҚазҰУ-да оқығанын әрқашан мақтан етеді, сол алған білімдерін сан мыңдаған өзге де ізденушілердің санасына сәуле етіп құя білді. Ұлттық рухтың алтын бесігі болған ұлттық жоғары оқу орны бүгінде есімі елге белгілі, еңбегі халқына таныс ғалымдар мен профессорлардан кенде емес. Олардың қатары көбеймесе, азаймасы анық. Әл-Фараби бабамыздың сөздеріне жүгінсек, оның білім мен ғылым жолындағы даналығы, қиссалары, пәлсапасының мәңгілік “тәрбиесіз берілген білім — адамзаттың қас жауы” екенін естен шығармай білім ордамыздың бүгінде отандық білім берудегі басты назарға қойылатын мәселесі — тәрбие мен тәртіп. Соның бір дәлелі

ретінде филология факультетіндегі шет тілі кафедрасында 1-курс студенттерімен “Әл-Фараби : Ізгі қала тұрғындары” атты іс-шара өткізді. Бұл шараның мақсаты жаңа келген студенттерді Әл-Фараби бабамыздың адам бойында жалпы көшбасшылық қасиеттердің қандай болатыны, қалай бойға тәрбиелеп сіңдіру керектігі туралы құнды даналығын талқылады. Бақытқа жету және бақытты болу үшін де білім алу керектігіне мән берілді. Бұл қағиданың қанша ғасырларды артқа қалдырылып жазылса да, қазіргі таңда ақпараттық технологияның қарқынмен дамып жатқанда біліммен қатар бақытты бола білу, өзгеге көмектесу арқылы бақытты ете білу қоғамның бірден бір ең маңызды мақсаты.

Білім берумен қатар тәрбиелік мақсаттағы іс-шаралардың мақсаты да осы. Өйткені бұл тек “болар баланы бесіктен” тербетіп қана қоймай, бұғанасы қатпаған ертенгі ел тұтқасының тәрбиесінде игі іс бола біледі. Ал біздің бәсекеге қабілетті университетіміз осынау қасиетті атты иемденіп жұғысты болсын немесе қойылған нысана болсын деп ырымдағаннан болар, әлем таныған Әл-Фарабиге лайықты, бүгінде әлем таныған университетке айналды! Сәттілік пен жетістіктің мәртебелі биігіне көтерілген қарашаның бүгінгі болмысы барша қазақтың мақтануына лайық, кемел келешегі бүкіл елдің көшбасшыларын дайындап, дамудың даңғыл жолындағы аса жоғары жетістіктері арқылы одан сайын асқақтай бермек.

**А.ХАЛЕНОВА,**  
**Әл-Фараби атындағы Қазақ ұлттық университеті, шет тілдер кафедрасының аға оқытушысы.**

### Экология

## ТАБИҒАТТЫ ҚОРҒАУҒА АРНАЛҒАН СЕМИНАР

**Экологиялық мәселелер мен олардың салдарынан әлемде көптеген проблемалар туындауда. Ауа мен судың ластанып, ормандардың жойылып, биосаналуандылықтың жоғалып, климаттың өзгеруі мен қалдықтардың жиналуы мұның жарқын дәлелі. Бұл проблемалар адамдардың денсаулығына кері әсерін тигізіп, өмір сүру сапасын нашарлатып, қоғамның тұрақты дамуына қауіп төндіруде. Мысалы, ауаның ластануы респираторлық аурулардың көбеюіне себеп болса, ал климаттың өзгеруі экстремалды ауа райы құбылыстарының жиілігін арттыруда.**

Тұрғындарда, соның ішінде жас ұрпақта экологиялық мәдениетті қалыптастыру осы бағыттағы көптеген мәселелерді шешуге көмектеседі. Әрбір адам қоршаған ортаны сақтауға өз үлесін қосыуы тиіс. Ол үшін балаларға мұны отбасында ата-аналары, мектепте оқытушылар, сондай-ақ табиғатқа жанын әрбір адам айтқаны, үйреткені маңызды.

Жуырда AKTED Техникалық ынтымақтас-тық және Даму агенттігінің еліміздегі бөлімі мен Ташкент облыстық “Гармония” орталығы ынтымақтастықта Критикалық Эко-

жүйелер бойынша Халықаралық қор тарапынан қаржыландырылған “Өзбекстанда табиғатты қорғауды жақсарту үшін азаматтық қоғам ұйымдарының әлеуетін арттыру” жобасы аясында Бостандық ауданы “Сиджак” махалласындағы №43 жалпы орта білім беретін мектепте “Қоғамдар, ауыл әйелдері, оқытушылар және махалла өкілдері үшін биологиялық саналуандылықты сақтау” тақырыбында бір күндік семинар ұйымдастырды.

Семинарды тренер-сарапшылар Бобомурод Эшанкулов пен Наргис Косимовалар өткізіп, қатысушыларға экологияны сақтау

өте маңызды екенін айтып, табиғатқа зиян келтіретін іс әрекеттерді тоқтатуға және қызметтерден бас тартуға шақырды. Ауыл туристік аймақ саналады. Сондықтан туристік бағытта бизнес жүргізетіндерге экологиялық таза технологияларды пайдалануды насихаттады.

— Экологиялық мәдениетті қалыптастыру үшін мемлекеттің, оқу орындарының, қоғамның ықпалдарын және бизнестің келісілген күш жігері қажет, — дейді тренер-сарапшы Б.Эшонкулов.

Білім ордаларының бағдарламаларына экологиялық тақырыптардың енгізілуі өскелең ұрпақтың бойында экологиялық мәдениетті қалыптастырады. Сонымен қатар көпшілікке арналған мұндай танымдық шаралар мен үгіт-насихат жұмыстарын жүргізудің маңызы зор. Семинардың негізгі мақсаты да осы.

Азаматтар арасында экологиялық мәдениетті қалыптастыру қоғамның тұрақты дамуының негізгі факторы саналады. Сондықтан да бұл бағытта бірлесу қажет. Сонда ғана біз табиғатты сақтауға және болашақ ұрпақтың өмір сүру сапасын жақсарту аламыз.

**Айгүл ТЕШЕБАЕВА,**  
**“Нұрлы жолдың” тілшісі.**

Туған жерге тағзым

## КЕЗДЕСКЕН ҚАНДАЙ ЖАҚСЫ...

Осыдан 20, 30, 40, 50 жыл бұрын Ташкент облысының Құйышыршық ауданындағы №21 орта мектептің алғашқы табалдырығын аттаған түлектер кездесуге өздерінің алтын ұя мектебіне келіп, оқушы кездерінде өткізген ұмытылмас жылдарын еске алды.

Көңілімізге зор қуаныш сыйлаған бұл кездесудің ерекше тұсының бірі — атажұрттан, сондай-ақ өзге шалғай облыс, қала, аудандардағы сыныптас-тардың келуі еді. Білім қуып, қызмет бабымен әр қырға самғаған сол кезеңдегі өрімдей ұл-қыздар бүгінде үлгілі ата-ана, немерелеріне сүйікті ата-әже, кейбіреулері арқа сүйер аға, тағы біреулері сүйікті жар ата-нып отыр.

Осынша жылдан соң бас қосқан түлектер ауылға келіп, алдымен кішіпейлділік таны-тып, ауыл үлкендеріне сәлем

беріп, одан кейін өмірден оз-ған сыныптас-тарын еске алды. Түлектер өздері бір кез-дері таласа өскен сыныпта-рында қызықты жастық кезең-дерін айтып, “Дидар” телебағ-дарламасының тілшісі және режиссерімен бірге бүгінгі күн туралы ойларын бөлісті. Со-ған қоса жанарған заман та-лабына сай мектептің матери-алдық базасымен, білім-тәрбие саласындағы жетістік-терімен танысып, балалық шақтарын еске алды.

Аталған шараны мектеп ди-ректоры Амангүл Махмеджано-



ва алғы сөзімен ашып, барша-ны айтулы мерекемен құттық-тады. Сонымен қатар осы мек-тепті бітіріп, қазірде түрлі сала-ларда профессор, ғылым док-торы, әскери салада капитан, майор атанып жүрген азамат-тарды мақтанышпен тілге алды және биылғы бітіруші жастар-

ды да ерекше ескеріп, олар-дың алдағы өмірлеріне табыс-тар тіледі.

Сосын жүргізуші Гүлбахар апай М.Мақатаевтың Отан жай-лы тамаша өлеңін шегіне жет-кізе оқып, мектеп оқушылары-на кезекті берді. Соны күтіп тұрғандай білім ошағының 9-10-11-сынып оқушылары бірі-нен соң бірі мың бұрала би билеп, көпке көтеріңкі көңіл күй сыйлады. Әрі ұлтаралық тату-лықты бейнелейтін билерді де билеп, жиналған көпті тәнті етті.

Мектебім бір ғасырдың белесінде,  
Ерлігі азаматтар елесінде.  
Жүз жылда талай шәкірт түлеп ұшты,  
Білім алып, ізгіліктің кемесінде, — деп ақын жырлағандай бүгінде жас ұрпаққа сапалы білім, са-налы тәрбие берудің қара ша-нырағы болып отырған Таш-кент облысының Құйышыршық ауданындағы №21 жалпы орта білім беретін мектептің өзіндік тарихы бар. 1936 жылы “Қызылнамун” ауылының аумағы кеңейе түседі. Алғашқы мектеп сол жылы ашылып, ол 1947 жылға дейін 4-сыныптық бастауыш мектеп болады.

Содан соң 1948-1958 жылда-ры 7 жылдық мектеп болып, өз жұмысын жалғастырса, 1970 жылға дейін 8 жылдық, 1971-1990 жылдары 10 жылдық мектепке айналады. Міне, сол уақыттан бүгінге дейін екі тіл-де, яғни, қазақ және өзбек ті-лінде білім беретін мектеп бо-лып жас ұрпаққа білім беретін қара шаңырақ болып келуде. Мектеп іргетасын қалаған Жап-пар Ахмедов ағай 1950-1978 жылдары директорлық қызме-тін атқарады.

Ал 1978 жылдан 2000 жылға дейін өзінің жан-жақты білімі, беделі басқарушылық қабілеті-мен Құлынбек Абдуллаев ағай мектеп директоры болып істейді. Осы жылдары білім ор-дасы аудандағы ең үздік мек-тептер қатарына еніп, анық пәндер бойынша тереңдетіліп оқытылатын мектеп-гимна-зияға айналды. Білім ошағы-ның алғашқы бітірушілерінің бірі болған, жас ұрпаққа білім нәрін беруден аянбаған ұстаз Фарида Есіркепова апай 1993-1995 жылдары алтын ұя мектепте директорлық қызме-тін атқарды. Ол қысқа дәуір ішінде өзінің елеулі еңбегімен бағаланып, аудандық халыққа білім беру бөліміне әдіскер ла-уазымына шақырылды. Міне содан зейнетке шыққанға де-йін бар ғұмырын оқу-ағарту са-ласына арнады.

Сон Қалбиби Алиева, Жарыл-қасын Усманов ағай директор лауазымында істейді. 2004 жылдан бастап қазірге дейін директорлық қызметті улағатын ұстаз Амангүл Махмеджанова абыроймен атқарып келеді. Ол осы салаға өзінің бар күш-жіг-рін аямай жұмсап, әріптестері-не, жас ұрпаққа үлгі болып ке-леді. Ұстаздық тәжірибесі мол Амангүл апай ұрпағының бола-шағын ойлап, елдің қамын жеп, мектепке тың идеялар, жана ұсыныстар ала келді.



“Істің қалай бітетіні, бастал-ғанынан білінеді”, — деген халық даналығы осы апайға арналғандай. Себебі ХХІ ғасыр түлектері жан-жақты жана педа-гогикалық технологиялар бо-йынша білім алуын мақсат етіп, заманауи мектеп іргетасын қалауына өз үлесін қосқан жан-күйер директор.

Өткен ғасырдың соңғы ширегінде бой көтерген осы киелі қара шаңырақ осы күнге дейін ауыл балаларының бі-лімді, тәрбиелі, жан-жақты ке-мелденген азамат болып есеуі үшін қызмет етуде. Бұл осын-дағы білікті педагогтардың мін-детін мінсіз атқаруының арқа-сы, әрине.

— Ынтымағы жарасқан ауыл азаматтары жылда кемелден-ген киелі ордада бас қосуды әлдеқашан әдетке айналдыр-ған. Биылғы соңғы қоңырау жылдағыдан ерекше өтіп жа-тыр. Өйткені биылғы кездесу-де мектептің сонау алғашқы түлектері көш бастады. Бұдан 50 жыл бұрын алғаш қанаттан-ған қарлығаштар мен 40, 30, 20 жылдық қарлығаштар бас қосты, — дейді аталмыш білім мекемесінің директоры Аман-гүл апай.

— Бүгінгі шараның мазмұнды да тамаша өтуіне мектеп ұстаз-дары, яғни жүргізуші Гүлбахар, сондай-ақ Жамалжол, Еркін, Бақытжан, Камал, Ибакожа, Ну-риддин сынды ағайлар, Алтын-най, Феруза, Фарида, Наргиза, Барно, Нүрзия, Айну, Дилаф-руз, Назокат, Гүлайна, Гүлбахар

сынды апайлардың еңбегі ора-сан зор болды. Сонымен қатар мектеп оқушылары да жақсы дайындық жасағанын көрсете алды. Біз айтулы мерекемен мектеп түлектері құттықтаймыз әрі олардың алдағы жұмыстары-на табыстар тілейміз, — дейді директордың рухани-ағарту істері бойынша орынбасары Айдын Құттыбаева.

Кездесуде түлектер өздері білім алып, түлеп ұшқан білім ордасына салмақты сый-сияпа-тын ұсынуды да ұмытпады. Ай-тар болса, 40 жылдық мере-кені тойлап жатқан түлектер алтын ұя мектебінің белсенді-лер залын жөндеп, жаңалап берсе, 30 жылдықты тойлап отырған түлектер кілем, қаржы-лай көмек, ал бітіргеніне 20 жыл болған түлектер басқа, мектеп оқушыларына спорт ки-імдерін сыйлады. Олардың бұл игі ісі мектепті бітірген басқа да түлектерге үлгі болды.

Сонымен күн бойы мектебі мақталып, ұстаздары ұлықта-лып, ұжымы белсенділік таны-тып, түлектері түлеп ұшқан ме-реке өз мәресіне жетті.

Мақаланы ақынның төмен-дегі жыр-шумақтарымен біті-руді жөн санадық:

Сағынан жүрекпенен,  
Ең жақсы тілектенен,  
Құшақтап қатты қысып,  
Ең жақсы ниетпенен.  
Кездескен қандай жақсы,  
Жолыққан қандай жақсы...

Құттыбай БАШАРОВ,  
журналист.

## ЖИЫРМА ЖЫЛДЫҚ КЕЗДЕСУ

Мектеп әр адамның өмірінде маңызды рөл атқарады. Жастық шақтың ең тәтті армандары мен естеліктері мектеппен байланысты. Отан кіндік қаны тамған босағадан басталса, өмір жолы мектеп табалдырығынан басталады.

Ташкент облысы, Бостандық ауданы, Ғазалкент қаласындағы №6 мектеп-интернат, қазіргі №54 жалпы орта білім беретін мектеп талай жанның білім ал-ған ордасы. Өткен ғасырда бой көтерген бұл білім ошағы кішкен-тай бұлдіршіндерді бауырына ба-сып, білім нәрінен сусындатып жылдар бойы шыңдап, кемел,

жан-жақты тұлға етіп қалыптас-тырып, үлкен өмірге аттандырып келеді. Мектеп 1961 жылы құры-лып, көп ұзамай өз ісінің шебері — ұстаздар ұжымына айналды. Мектебіміздің түлектері әлемнің ең беделді жоғары оқу орында-рында білім алып, халық арасын-да өз мамандықтарының тамаша шеберлері ретінде танымал.

Бұл дәстүр бүгінде де жалғасын табуда. Мектебіміз атақты саясат қайраткерлердің, өнер май-талмандарының, Отан қорғаушы-лардың балалық және жастық шақтарын есте қалдырған орда-сы екені бізді мақтаныш сезімі-не бөлейді.

Білім ошағы тек дарынды оқушыларымен ғана емес, озық, кемел ұстаздарымен, мақтан тұтар тұлғаларымен танымал. Мектебіміз алдағы уақытта да облыстағы, республикадағы озық оқу орындарының бірі бо-лып қала беретініне сенімдімін. Мен осы мектептің оқушысы болғанымды мақтан тұтамын.

25 майда еліміздің мектепте-

рінде соңғы қоңырау соғылып, жас түлектер өмірлік жоспарла-рын жүзеге асыру үшін мектеп та-балдырығын аттады. Бұл кезең-нен өткендер соңғы қоңырауды еске алып, бүгінгі мектеп бітіруші жастарға шын жүректен тілекте-рін білдірді.

Жуырда оқу орны 2004 жылы тамамдаған 20 жылдық түлектер алғашқы ұстаздары Гүлжазира Тілеповаға, Гаухар Құрбанбаеваға, Базаргүл Ертае-ваға, Гүлім Кәрімжанқызына ар-найы барып, құттықтап, гүл шоқ-тары мен естелік сыйлықтарын табыс етті.

Мектепке Шыршық мемлекет-тік педагогикалық университеті-нен қонақтар келіп, түлектерге ақ тілектерін арнады. — “Күрметті түлектер, күрметті жастар! Сіз-дерге айтарым — өмірдегі биік шыңдарды бағындыруды мақсат етіңіздер, алға ұмтылыңыздар, батыл қадам жасаныздар. Еңбеккер және жауапты болың-ыздар! Қай саланы тандасаныз да табыстың, сәттілік пен жоғары нәтиженің алтын ережесі — осы екі фактор: еңбеккерлік пен жоғары жауапкершілік! Әрине, кәсіпкерлік болсын, мемлекеттік қызмет болсын, шығармашылық болсын, біздің барлық іс-әреке-тіміз Отанға, халқымызға деген сүйіспеншілікке негізделуі керек! Міне, сол кезде биіктер сіздікі. Жана тәуелсіз өміріңізге толағай табыстар тілеймін. Мақсаттарын айқын, жолдарын ашық болсын”, — деп тілектерін білдірді.

Е.АЙДАРОВ,  
Шыршық мемлекеттік  
педагогикалық университеті  
Бастауыш білім беру  
факультеті  
Жастар рухани-ағарту  
істері бойынша декан  
орынбасары  
п.ғ.д. (PhD), доцент.



Бас редактор Ғұламзәкір ЮСУПОВ

Газет 2008 жылы 25 июльде Өзбекстан Республикасы Президенті Администрациясының құзырындағы Ақпарат және бұқаралық коммуникациялар агенттігінің 0004-санымен тіркелген. Оффсеттік басылым. Қағаз түрі А2. Аптасына 2 рет шығады. Таралымы — 4214

Көлемі 4 беттен артық қолжазбалар қабылданбайды. Жарияланбаған хаттарға жауап қайтарылмайды. Газетте жарық көрген оқырман пікірі редакция қозғарысмен сөйкес келе бермейтіні ескертіледі. “Нұрлы жолдың” материалдарын редакцияның келісімісіз көшіріп басуға болмайды.



Кезекші редактор:  
Жаннат  
МОЛДАШЕВА

Беттеуші-дизайнер:  
Қайсар  
РАХМАНОВ

nurljol2022@umail.uz

Мекенжайымыз:  
Ташкент, ГСП, 100011. “Науаи” көшесі,  
30-үй, 4-қабат.



Телефон: +998 55 510-04-64.

Индекс: 168. Көлемі 2 баспа табак.  
Бөлшек саудада еркін баға.

Газет редакцияның  
компьютер орталығында теріліп, беттелді.

“Шарқ” баспа-полиграфия  
акционерлік компаниясының  
баспаханасында басылды.  
Кәсіпорынның мекенжайы:  
“Буюк Турон” көшесі, 41-үй.

Тапсырыс Г — 626.

Басуға тапсыру уақыты: 21.00

Тапсырылды: 02.00  
1 2 3 4 5 6